



Rabu, 23 Maret 2022
Ogen: II Korinti 7:4b



“Keriahen Ngelebihi Kiniseran”



Salah sada tugas ras tanggung jabap kalak Kristen bagi sitersurat i bas Pustaka e me jadi perberita si meriah. Ise pe si nggo jadi pengikut Kristus arus jadi perberita si meriah. Perberita si meriah makeken dirina guna dahin Kristus. Tentuna lit nge kendala entag si ngambati ia i abs erberita e.

I bas II Korinti si jadi renungenta enda, Rasul Paulus ngenanami erbage-bage kiniseran i bas ia jadi perberita si meriah, lit deba singayak-ngayak ia, lit siatena munuh ia, icikurakken ras sidebanna. Tambah ka lit sakit pinakit i abs daging kula si la banci malem. Ertina pinakit e engg permanen bas daging kulana. I bas ngenanami kiniseran e, Rasul Paulus la erleja eja make gegeh Dibata jadi gegehna. Ipindona penampat Dibata, seh maka isalihken Dibata me kerina kiniseran e jadi sada keriahen si mbelin i tengah-tengah kegeluhenna. Rulih dahin Rasul Paulus i bas erberita si meriah. Enterem jelma ngikutken Tuhan Jesus jadi juruslamatna dingen mereken dirina ras kai si lit i abs i lako ndahiken dahin erberita si meriah.

Keriahen ngelebihi Kiniseran e me ulihta i bas kita ngikutken Kristus. Kiniseran e labo ngelebihi kengasupennta selaku kita anak Dibata. Si ipindo i bas kita nari e me, setia ngikutken kata Dibata, megenggeng dingen saber ngalaken kiniseran, ernalem ku bas gegeh Dibata. Kiniseran si seh man banta e me dalam dibata masu-pasu kita. Labo ipediat Dibata anak-anakNa kelsehen segedang wari. Mekuah ate Bapa natap anak-anakNa si ernalem man baNa. Jadiken geluhta jadi perberita si meriah.

Tandai kalak Kritus arah geluhta

